


سازمان مجوعه سی

اداره مرکزی

آیینه بر جیشاد

مدیر: جلال ساهر



میشال: اش غرویش

مطبعة: مطبعة



پارس دارالفنونی (صوبون)

طب فاکولتهسی

قسم تاریخیده اشارت اولوندیخی اوزره بدایتده علم طب کلیسا صحنلرته و مناسترلرک رواقلری آلتنده تدریس اولونوردی؛ و طب طلبهسی پاپاسلردن مرکب ایدی.

اون اوچنچی عصرده راهبره اجرای طبابت منع اولونمش ایسهده طب معلملری مجرد برحیات کچیرمکه مجبور ایدیلش ایدی. مسلك طبابت راهلردن نزع اولوندقدن صوکره معلملر درسلرینی اقامتگاهلرنده ویرمکه باشلامشیر و آنجاق اون دوردنچی عصرک اواخرینه دوغرو بر مکتبه نائل اولابیلمشلردر. برقبهلی درس-خانه دن عبارت اولان ایلك مکتب طیه بناسی صوگ زمانلرده مجدداً تعدیل و تعمیر ایدیلهرک پارس دارالفنونی طلبهسی جمعیتنک مقری اتخاذ اولونمشدر.


پارس طب فاکولته سنک تاریخی غایت عبرت آمیز اولوب بو گونه قادار بلا انقطاع ترقیات عمومیة علمیة ایله موازی بر صورتده بوتون صفحات تکاملنی ابراز ایله مش و بشریتک مدار مباحاتی اولاجق داهیلر یتیشدیرمشدر. آنجاق ائک پارلاق ترقیاتنه ۱۸۷۰ محاربه سندن صوکره حاصل اولان انتباه ملی سایه سنده نائل اولمشدر.

اوچنچی جمهوریت صوبونی احیا ایتمکه قرار ویردیکی زمان اووقته قادار طب فاکولتهسی اتخاذ اولونان ابنیه نك دخی مجدداً تعمیر و توسیعی ایچین یکرمی بر میلیون دورت یوز بیک فرانق تخصیص و صرف ایتمشدر.

یکی توسیع و انشا اولونان فاکولته قارشیلقلی ایکی واسع بنادن مرکب اولوب سهن نه رینک صولنده و صوبونه یاقین بریرده بولونویور.

برنجی قسم اون بشنچی لوئی زماننده انشا ایدیلن جراحلق مکتبی ابنیه سنک

توسیعیله وجوده کتیریلوب «دوآیهن» و کتابت دائره‌لری ، بویوک آنفی ته‌آتر ، دیکر بر آنفی ته‌آتر ، فیزیک و کیمیا و صیدلانی درس‌خانه لریله بونلره عاندلا بوراتوارلر ، امتحان سالونی ، اورفیللا موزه‌سی ، مجلس سالونی و کتبخانه (یوز آلتمش بیک جلدک) دائره‌لری بوراده بولونمقده در .



طب فاکولته‌سی کتبخانه‌سنک قرائت سالونی

ایکنجی قسم مجدداً انشا اولونمشدر . بوراده هربری یوز طلبه‌نک چالیشماسنه مساعد سکز تشریح‌خانه دن مرکب بر تشریح دائره‌سی ، میت‌ده‌پوسی ، تشریح درسی ایچین بیک بش یوز طلبه‌ی استیعاب ایدن بر آنفی ته‌آتر ، انساج ، تشریح مرضی ، غریزیات ، طب تجربی ، علم امراض ، فن تداوی ، حفظ صحت و فیزیک ، کیمیا و تاریخ طبیعی طی دائره‌لری بولونمقده در .

بیان ایتدیگمز ابنیه تدریساتک نظریات علمییه قسمنه و خسته‌لر خارجنده‌کی تجارب و تطبیقاته منحصر اولوب خسته‌لر اوزرنده اجرا اولونا جق مشاهدات و تدقیقات ایچین پارس ایچنده قرق‌یدی خسته‌خانه تخصیص ایدیلمشدر که بونلرک

هر برنده سریر یاته عا ئدا و لمق اوزره حکمی و کیمیوی، میقرو سقونی و رادیو غرافی
تدقیقاتی، مایعات عضویه نك تحلیلی، باقته ریولوژی کولتور لری احضاری ایچین
اقتضا ایدن لابوراتوار لر آماده ایدیلشد.

طب فاکولته سنك بوتون دائره لری صنایع نفیسه و تاریخ طب نقطه سندن
بویوک اهمیت حائز رسم لوحه لریله تزین اولونمشد.

طب فاکولته سی دارالفنونك سائر شعبه لری کیی اداره و تدریسات خصوصنده
استقلال تامی و شخصیت مغویه بی حائز و مستقل بر بودجه یه مالکدر.

معاشات و مصارف معتاده سی تخصیصات سنویه سی ایکی میلیون فرانغه بالغ
اولمقده در. هیئت تعلیمیه سی قرق ایکی معلم، قرق ایکی معلم معاونی و اوتوز
سریریات معلمی ایله بونلرک معیتده کی شه فلردن مرکب اولوب هیئت مجموعه سی
ایکی یوز آلتش دورده بالغ اولمقده در.

تدریسات غایت واسع و متنوعدر و هر کون علوم و فنونده حاصل اولان
انبساط ایله متناسب اولارق توسع ایتمکده در.

بو کونکی طبیبه علم تشریحی و وجود بشرک فعالیت حیاتیه سی بیلیمک،
سریر یاتده خسته لری تحت مشاهده یه آلمق و اونلرک اوزرنده عوارض امراضی
تدقیق ایله بونلرک رچته لرینی ترتیب ایتیمک کفایت ایتیه یور. اون دو قوزنجی
عصرده قلود برنار و پاستور کیی داهیلرک آچدیغی چیغیرده علم طبدیه شایان
حیرت بر طریق تکامل آچیلیمشد. فی الحقیقه علم طب جبر و هندسه کیی کندی
کندینه کافی و مسائلی محدود بر عام اولمایوب علوم طبیعیه و حیاتیه نك انبساطیه
هر کون توسع ایتمکده در.

طب بدایتده بر علم سماعی ایکن بالا آخره کشاد اولونان اصول مشاهده سایه سنده
تلقین اولونان مسائلی بلا تدقیق بر قانون کیی قبول ایتیمکه باشلامش و تلقینات
واقعه بی حادثات مرضیه یه تطبیق و تجربه ایتیمکه باشلامشد. نهایت بو اصول
تجربی حادثاتی تعدیل، اونلری احضار ایدن اسبابی تحری و اونلری تسخیر
ایتمک اصولی احداث ایله مشدر.

بو کون حادثات حیاتیه نك و اونلره مربوط اولان عوارض مرضیه نك حکمی
و کیمیوی مؤثراتک نتیجه سی اولدیغی تعین ایتیمشد.

طب فیزیق و کیمیا کی بر علم یقینیدر؛ و موضوعی حادثات حیاتیه و مرضیه بی اداره ایدن قوانین طبیعیه بی تعین ایله مک، بو قوانینک تأثیراتی تعدیل و یا تشدید صورتیه حسن اداره و مشاهده و تجربه ایله مواد دوائیه نک بو قوانینی نه یولده تعدیل و یا تشدید ایتدیکنه کسب و قوف ایتمک در.

پاستورک میقروب نظریاتی بو اساساتی توسیع و تحکیم ایتمیشدر.

بو کونکی طبیبه صرف اثر ذکا و درایت اولان تعمیق نظر و تطمین قلوب ملکه سندن باشقا، غایت واسع معلومات لازمدر. هر خسته لق، یعنی هر عارضه مرضیه بر طاقم شرائط تحتنده تگون ایدیور. بو شرائطی تعین ایتمک، بو مؤثراتک عواقبی تعدیل ایتمک علمه متوقفدر. امراضک بو صورتله تلقیسی تداوی امراض اصولی فوق العاده ده کیشدیرمیشدر.

بو کون بر طبیبه آبی نیست قولا لایق و یا خود بر رچته ترتیب ایتمه سنی بیلمک کفایت ایتیهور. بر لابوراتوار، بر طاقم معیارات، بر کولتور اتووی، بر میقروسقوپ هر بر خسته خانه نک لوازم ضروریه سندندر. طیب مداوی هر دقیقه علمک بر شعبه مخصوصه سندن استعانه ایتمک مجبوریتندهدر. بعضاً بر تحلیل کیمیوییه، بعضی دفعه خرده بینه، رادیوسقوپیه مراجعت ایتمه لزوم کورور. الکتریک، سموم عضویه، تأثیراتی تخفیف ایدیش ویروسلر، منوملر، آنتیسه پتیقلر طبیبک معاونلریدر. ایشه بو قدار متنوع معلوماتک لزومی تحقق ایده رایتز فا کولتهیه قبول اولونا جق مکاتب اعدادیه مآذونلرینک معلومات طبیعیه سی کافی اولمادیغنه قناعت حاصل اولارق مذکور مکتبلرده علوم طبیعیه تدریساتی توسیع اولونمقله برابر طلبه بی فا کولته نک درس لرینی موفقیتله تعقیب ایده جک بر صورتده اعداد ایتمک و علوم طبیعیه نک نظریات و تطبیقاتیه مشغول ایله مک اوزره علوم فا کولته سنده بر سنه لک بر صنف مخصوص احداث اولونمیشدر.

بو صنف مخصوصدن صو کرا فا کولته ده تدریسات دورت سنه اوزرینه مرتبدر. فقط بودورت سنه لک پروغرام حقیقت حالده بش، آلتی، یدی و بعضاً داها زیاده سنه تمید ایدیور.

چونکه «آنته رنا» دینیلن خسته خانه خدمات سریره سی ایچین آچیلان مسابقه لرده موفق اولان. طلبه اُک مشهور اُساتذه نك معیتده اجرا ایله دکتری تطبیقاتدن مستفید اولمق اوزره تحصیللرینی ممکن اولدیغی قادار تمدید ایده رلر. وبوصورتله داها تحصیل عالمنده ایکن بر شهرت اکتساب ایتمه که موفق اولورلر. یونلرک اشتغالات علمیه و تطبیقیه سی طاقتفرسا دینیه جک درجه ده کثیر و متنوعدر. «آنته رن» صباحیلن اُرکندن خسته خانه ده اثبات وجود ایدر واوراده شه فک خسته باشنده ویردیکی درس لرده حاضر بولونور؛ بو مشغولیت ئو کله یه قادار امتداد ایلر. ئو کله دن صو کرا ساعت بردن دورده قادار تطبیقات درس لر یه مشغول اولور و بشدن یدی یه قادار نظری درس لر ی و قوتفه رانس لر ی استماع ایدر. مجبوری سریریات درس لر ی سریریات طیه و سریریات جراحیه در. بونلر بر قاج سنه دوام ایدیور. اوندن صو کرا آلتیشر آی دوام ایدن سریریات ولادیه و سریریات مخصوصه کلیر. سریریات مخصوصه یه امراض عینیه، امراض جلدیه، امراض تناسلیه، الخ داخلدر.

دروس عملیه و تطبیقیه یه تشریح، غریزیات، انساج، تشریح مرضی، حکمت طیه، کیمیای طی، تاریخ طبیعی طی داخلدر. بونلردن تشریح ایکی آلتی آیلق، دیکر لری برر آلتی آیلق دوام ایدر.

صرف علمی و نظری درس لر تشریح، انساج، غریزیات، امراض داخلیه، امراض خارجییه، امراض عمومیه، حفظ صحت، حکمت طیه، کیمیای طی، طفیلیات علملرینه دائر در. سنه لر جه دوام ایدن بواصول تحصیل امتحانلر ایله تتوج ایدر. امتحانلرک صورت جریانی مقاله مزک موضوعی خارجنده اولوب نظامات مخصوصه ایله تعیین اولونمشدر. یالکز شو قادار سویله یه لم که امتحانلر طیب نامزدلرینک عالم انسانیتک اُک قیمتدار ثروتی اولان صحت و حیاتی صرف جهالت و تجربه سزلکه هدر ایتمه مک ایچین اقتضا ایدن سرمایه علمی و تجربه بی اکتساب ایتدکلرینه قناعت حاصل ایتمک غایه سنی تعقیب ایدر و نتیجه ده موفق اولانلره دو قنور عنوانی ویریلیر.

بو قادار مساعی نتیجه سنده استحصال اولونان دو قنور عنوانی مستعدلر ایچین

کافی کلمه یور و بونلر بر طرفدن تحصیللرینی ، دیگر طرفدن تجربه لرینی توسیع ایتمک و بر اختصاص پیدا ایله مک مقصدیله بر قاق سنه داها استادلرینک معیتلرنده قالمی وظیفه عد ایله یورلر .

هر فرانسز دو قنورینک مطمح نظری پارس فا کولته سنک « آغره غاسیون » مسابقه سیدر . بو امتحانده اکتساب موفقیت ایدهلر بالا آخره مکاتب طیه ده معلملک ایتمک صلاحیتنی بخش ایدهن « آغره ژره » عنوانی اکتساب ایدهلر .

اجزاجی مکتبی

پارس اجزاجی مکتبی دارالفنونه مربوط مؤسسات عالیهدن بریدر . اسمندن صرف نظر کافه تشکیلاتی دارالفنونک شعبات سائر هسی کیی بر فا کولته یه معادلدر . مکتب ۱۸۰۳ ده یعنی یوز اون بر سنه مقدم تأسیس اولونمشدر .

مکتب سائر امثالی کیی سهن نهرینک صول یاقاسنده ، رصدخانه جوارنده بویوک ونقیس بر بنا داخلنده در . ابنیه اساساً غایت مکلف بر طرز معماریده واسع و مزین بر باغچه نك اورتاسنده انشا ایدیلش و داخلی بر چوق هیکلر ولوحه لر ایله تزین اولونمشدر .

کافی درجه ده درس خانه لری ، عملیات صالونلرینی ، متعدد آنفی ته آترلری و کتبخانه لر ، موزه خانه لر و قولکسیونلر و سائر هسی محتویدر . بالخاصه اوست اوسته اوچ قات تشکیل ایتمک اوزره یوز یکرمی ایکی مترو طولنده و او نسبتده بر عرضده انشا ایدیلش اولان کیمیا ، نباتات و باقته ریولوژی لابوراتوارلری کورولمکه شایاندر . بولابوراتوارلرده بیکی متجاوز طلبه نك ال مکمل آلات فیه نوکننده کمال جدیتله چالیشدیغنی کورمک انسانه بویوک بر حظ بخش ایتکده در . سنوی بش یوز بیک فرائق متجاوز بر بودجه سی وارددر که بومقدارک دورت یوز بیک فرائق معاشاته ویوز بیکی لابوراتوار مصارفته و طلبه یه ویریلن مکافاتلره تخصیص ایدیلشدر .

اجزاجی مکتبنک تحصیلنی ایکی درجه یه تقسیم ایدهلر . برنجی درجه سی صرف مسلکی اولوب اجزاجی یتیشدیرمکه مخصوصدر . ایکنجی درجه ده کی

تحصیل علوم عالیہ بہ تخصیص اولونارق اکمال تحصیل ایدہ تیر « فارماسیہ ن سوپہ ریور » یا خود « دوققور » عنوانلرندن برینی احراز ایلر . مکتبه قبول اولونمق ایچین تحصیل تالی رؤسنی حائر اولمق و برسنه یراجزاخانده تطبیقات کورمک شرطدر . و طلبه اثنای قبولده تطبیقات امتحانی و یرمکه مکلفدر . مدت تحصیل دورت سنه در . هر سنه نہایتده بر صنفدن دیکرینه ترفیع ایچین طلبه امتحان ایدیلر و دوردنچی سنه نك نہایتده رؤس امتحانہ داخل اولورکه بونک نتیجه سنده اجرای صنعت ایتک صلاحیتی بخش ایدہ ن شہادتنامہ بہ نائل اولور . ایکنچی درجه ده کی شہادتنامہ بی آلمق آرزو سنده بولونانلر مکتبک لابوراتوارلرندہ بر طرفدن شخصی تحریرات قیہ ده بولونارق دیکر جهتدن دارالفنونک علوم فاکولتہ سنده توسیع نظریات ایدہ رک یوقاریدہ بیان اولونان شہادتنامہ لرک امتحانلرینہ داخل اولورلر . بو شہادتنامہ لر ہمہ حال شخصی تحریرات و تتبعات فنیہ نتیجه سنده تألیف اولونان بر « تہز » ک بر ہیئت عدول حضورندہ مدافعہ ایدیلہ سیلہ استحصال اولونور .


مقوق فاکولتہ سی

پارس حقوق فاکولتہ سنک شکل حاضرینی بولونجه بہ قادار کچیرمش اولدینی صفحات تکامل غایت مهم و متنوعدر .

قرون وسطادہ تدریساتی لاتینجه اولارق کلیسا حقوقی ایله روما حقوقہ حصر و تخصیص ایتمش اولان فاکولتہ اون دوردنچی لوئینک زمانہ قادار بو طرز تشکیلنی محافظہ ایله مش ویالکز متونی ایضاح ایتک اصوانی تعقیب ایدہ رک حقوقی محاکمہ و مقایسہ ایتک ، فلسفہ سنہ کسب اطلاع ایله مک طریقہ یاناشما مشدر . اون دوردنچی لوئی « اوامر حکمداری ایله منصوص وعادات و عنعنات ایله مؤید اولان فرانسه حقوقی » نک دخی تدریسنی امر ایله دی .

مع مافیہ فاکولتہ عنعنہ پرورلکنده ثابت قالارق بویوک انقلابہ قادار برقاج لاتینجه متنی طلبہ بہ ایضاح ایتک و فرانسر حقوقی ، منابعی اولان فرمانلرہ ارجاع ایدیلہ جک یرده ممکن مرتبہ روما حقوقہ تقریب ایدیلک غیرتیلہ تاویل


ایده رك او قوتى كې غير طبعى بر مسلك اختيار ایدیوردی . مدت تدریس اوچ سنه دوام ایدر و طلبه هر کون درسده حاضر بولونمق و درس دفترلرینی بالذات تألیف و تحریر ایتمکه مکلف عد اولونوردی . حالبوکه حقیقت حالده درسارده آنجاچ بر قاچ فقیر طلبه بولونور ، معلملرک درسارینی ضبط و تحریر ایدرلر و بعدده ضبط ایتدکلرینی استساخ ایله دوامسزلره صاتارق تامین معیشت ایلرلردی . امتحانلرده جدیت قالمامشدی . بر درجه ده که حقوق فاکولته سنک شهادتنامه سنی استحصال ایله مک ایچین بر قاچ فرانق مصرفدن باشقا بر تکلف کورونم یوردی . حکومت انقلابیه فائده سندن زیاده عاماقیافتنده خودپسند و معلومات فروش بر طاقم جاهلر یتیشدیرمک صورتیه مملکته بویوک ضررلر ایقاع ایدن بومؤسسه یی تمامیه فسخ وسد ایله دی .



حقوق فاکولته سنک عمومی منظره سی

قونستیتوآنت حکومتی اثناسنده «تاله یران» ک حقوق مکتبلری تأسیسی ایچین تنظیم ایتدیکی پروژده دروما حقوقنک پروغرامدن اخراجی و مکتبلرده فرانسزحه اولارق حقوق طبعیه و اساسیه نک ، حقوق مدنیه و عاده مستند حقونک ،

اصول محاکات حقوقیه و جزائیہ نك تدریساته ادخالى تکلیف اولونویوردی .
حقوق مکتبلىرىنك فوقئده احداثى تصور اولونان مؤسسئعالیه نك پروغراملىرى
اصول اداره دولته تعلق ایدن دىكر درسلى ده احتوا ایدم جكدى .




حقوق فاکولته سى کتبخانه سنك قرائت سالونى

بوگونكى فاکولته « قونسولاتو » زمانده فرانسه قانون مدنيسنك نشرىنى
متعاقب انقلاب كيرك تلقيين ايتىدىكى افكار حقوقيه يى تعميم ايتك فكريله
تأسيس اولونمشدر .

كليسا حقوقى اخراج اولوندى . روما حقوقى فرانسه حقوقه برمدخل

اولمق اوزره ابقا ايديلدى . يكي درس اولارق پروغرامه حقوق طبيعیه، حقوق بشر، فرانسه حقوق مدنیسی، حقوق جزائیة، اصول محاکمات حقوقیه، اصول محاکمات جزائیة، حقوق عمومیه و حقوق مدنیةك اداره ملكیه ایله اولان مناسباتی درسلى ادخال اولوندى .



علوم فاكولتهسى : كيمىاى حىاتى لابوراتوارى

اوچنجى ناپوليونك زمان حكومتنده پارس حقوق مکتبته اهمیت مخصوصه ويريلك اداره مستبدەك ايشنه كلهديكى ايچين فاكولته شاين ذكر بر اثر ترقى كوسترمه مش، بالعكس بعضى درسلى و بالخاصه حقوق اساسيه كرسيسى لغو ايديلشدى . « ويقتوردوروثى » معارف نظارتنه كلديكى زمان حقوق مکتبته سياسى وادارى برشعبه علاوسى تصور اولونارق لايحهسى مجلس كبير معارفدهده تصويب اولونديغى حالده شوراي دولته مذاكره اولونمقده ايكن ناپوليونك آمريله كرى آينميشدى .

۱۸۷۰ محاربه سنك وىردىكى انتباه ملىدن حقوق فاكولته سنك دخى حصه دار اولماسى طبعى اولدىغى جهتله اوچىنچى جمهوريت اصلاحات عموميه مياننده حقوق فاكولته سنك پروگراملىنى اساسندن تبديل واصلاح ايله مشدر. يكي تشكىلاتك موقع اجرايه وضعى ايجين اولايش مليون فرانك صرف ايديلهرك ابنىهي توسيع اولوندىغى كيى بودجه سنه ده احتياجه كوره ضامن لازم اجرا اولونمشدر. فاكولته نك كتيخانه سى سكسان بيك جلد كتبه مالكدر .

بوكون فاكولته نك اوتوز يدي كرسي سى وسكز درس مخصوصى واردر و سنوى بودجه سى سكز يوز بيك فرانقه بالغ اولمقددر . كرسي لرك فرانسه نك اك معروف و مشهور حقوق علماسى طرفدن اشغال ايديلهركنى سويله مك زائددر .

بوكون تدريس اولونان علوم شونلردر :

روما حقوقى	مستملكات قوانينى
روما حقوق عموميه سى تاريخى	فرانسه حقوق عموميه سى تاريخى
مفصل روما حقوقى	حقوق عموميه
روما قوانين مدونه سى	حقوق اساسيه
فرانسه حقوقى تاريخى	مقايضة حقوق اساسيه
فرانسه حقوقك مفصل تاريخى	حقوق اداره
فرانسه حقوق مدنيه سى	حقوق ماليه
مفصل حقوق مدنيه	فرانسه قوانين ماليه سى
مقايضة قوانين مدنيه	حقوق عموميه بين الملل
حقوق خصوصيه بينا ول	تاريخ معاهدات
حقوق تجاريه	مسالك اقتصاديه تاريخى
حقوق بحريه	اقتصاد
اصول محاكمات حقوقيه	احصائيات
حقوق جزائيه	اقتصاد صنايعى
اصول محاكمات جزائيه	اقتصاد زراعى
مقايضة قوانين جزائيه	اقتصاد استهلاكى
قوانين صنايعيه	مقايضة اقتصاد اجتماعى
قوانين زراعيه	

مقدمه ده بیان ایتدیگمز وجهله تدریسات بدایه قوائینک متلرینی ایضاح ایتمکله اکتفا ایتمکده ایکن بو کون تاریخ تشریع و مقایسه قوائین علاوه اولوندیغی کیبی علوم اداریه ، سیاسی ، مالیه و اقتصادیه دخی پروگرامه ادخال اولونمش وفا کولته اساسنی محافظه ایتمکله برابر مکمل براداره ده لت مکتبی شکنی ده اکتساب ایله مشدر .

فاکولته نک درس لری اوچ سنه ده دور اولونور . و اوچنچی سنه دن سوکرا لیسانس امتحانی ویریله بیلیر . آنجاق بوا امتحانه حاضر لانیق ایچین طلبه بروحتی ایکی سنه داها توسیع معلومات ایتمکده درلر . دارالفنونک شعبات سائر سنده اولدیغی کیبی فاکولته نک ویردیکی مراتب علمییه نک اَل بویوکی دو قتور رتبه سیدر . بور تبه نک احراز ایدیله سی ایچین پروگرام داخلنده کی معلومات عمومییه اوزرینه ایکی امتحان کچیرمکله برابر نامزدک انتخاب ایده جکی شعبه لر دن برینه عائد و تتبعات شخصییه نتیجه سنده تعیین اولونمش بر موضوع اوزرینه تألیف اولونان « تهز » ک بر هیئت عدول حضورنده مدافعه ایدیله سی اقتضا ایدر .

— بیتمدی —

لطفی

